



Angerlarsimaffik Neriusaaaq
Annertusoq B-1343
3912 Maniitsoq

29. november 2019

Nal. nr./j.nr.: 2019-900-0025

All. nr./brevnr.: 63033

Sull./sagsbeh.: KJ/jh

Angerlarsimaffik Neriusaami misissuineq pillugu nalunaarsiaq

1. Aallaqqaasiut

Angerlarsimaffik Neriusaami (matuma kingornatigut Neriusaamik taaneqartartussami) Maniitsumiittumi misissuineq ilimasaarutigineqareersimasoq Inatsisartut Ombudsmandiannit misissuiartortunit 22. aamma 23. maj 2019-imi ingerlanneqarpoq. Misissuineq taanna Ombudsmandip ataatsimut sulineranut ilaatillugu ingerlanneqarpoq, taamaalillunilu naammagittaalliummik aalajangersimasumik tunngaveqarani misissuinerulluni.

Misissuiartortut tassaapput siunnersortit pisortaat Lasse Risager, fuldmægtig Kamilla Jensen aamma oqalutsi/nutserisoq Ole Heinrich Ombudsmandeqarfimmeersut.

Misissuinermi eqqartorneqartut ilaannaat nalunaarusiami matumani ilanngunneqarput.

Neriusaaq aamma Qeqqata Kommunia nalunaarusiaagallartoq manna pillugu oqaaseqaammik saqqummiussinissaminnut periarfissinneqarput. Neriusaaq aamma Qeqqata Kommuniani ingerlatsiviup oqaaseqaataat allakkatigut 25. september 2019-imeersutigut tiguakka. Sulisuma ilaata kommuni Qeqqata Kommuniata oqaaseqaataa tunngavigalugu oqarasuaatikkut 31. oktober 2019-imi aamma 7. november 2019-imi attaveqarfigaa, kommunip nalunaarusiaq pillugu oqaaseqaatai itisilertinniarlugit. Sulisuma taassuma Neriusaami pisortaqatigiit 8. november 2019-imi attaveqarfigai, Neriusaaq

oqaaseqaatai itisilertinniarlugit. Oqaaseqaatit taakku nalunaarusiami ilanngunneqarput.

2. Misissuinerup inatsiseqartitsinikkut tunngavia

Ombudsmandip sulineranut inatsiseqartitsinikkut tunngavigisaq Inatsisartut Ombudsmandiat pillugu Inatsisartut inatsisaanni (matuma kingornatigut Ombudsmandi pillugu inatsimmik taaneqartartussami) nr. 7-imi, 1. juni 2017-imeersumiippoq.

Inatsisartut Ombudsmandiat Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, sulinerminili Inatsisartunut attuumasuteqarani, tak. § 6, imm. 1. Kalaallit Nunaanni Namminersorlutik Oqartus-sat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siullit.

Oqartussaasut inuillu Ombudsmandip sulinerani pineqartunut ilaatinneqartut inatsiseqartitsineq atuuttoq unioqqutillugu iliuseqarnerisut suliassaminnilluunniit ingerlatsinerminnut atatillugu allatigut kukkussuteqarnerisut sumiginnaanersulluunniit Ombudsmandip nakkutigisassaraa, tak. Ombudsmandi pillugu inatsimmi § 19, imm. 1. Ombudsmandi isornartorsiuisinnaavoq, inassuteqaateqarsinnaalluni suliampilu paasinninnini aamma saqqummiussinnaallugu, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfiilluunniit Ombudsmandip sulinerani pineqartunut ilaatinneqartut suulluunniit Ombudsmandip misissorsinnaagai. Taamatut misissuinermut atatillugu – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinniffiup aaqquussaananeranut ingerlanneqarneranullu tunngasut kiisalu pissutsit paaqqinniffimmik atuisut pineqartarneranut taakkulu pillugit ingerlatanut tunngasut inuppalaartumik misigittartumil-

lu isiginnittaaseq aallaavigalugu naliliiffiginnaavai, tak. Ombudsmandi pil-lugu inatsimmi § 16-imi oqaaseqatigiit aappaat.

3. Misissuinerup piareersarneqarnera ingerlanneqarneralu

Neriusaaq misissuiartussamaarnermik oqarasuaatikkut 25. marts 2019-imi ilisimatinneqarpoq, misissuinerlu pillugu paasissutissat amerlanerusut allak-katigut 2. april 2019-imeersutigut tigullugit. Neriusaaq tamatumunnga ata-tillugu qinnuigaara sulisut, najugaqartut ilaqutaasullu tamaasa misissuissa-maarnermik misissuiartortunillu oqaloqateqarnissamut periarfissaqarneran-nik ilisimateqqullugit.

Qeqqata Kommuniani ingerlatsivik misissuiartussamaarnermik e-mailikkut 2. april 2019-imeersukkut ilisimatippara. Ingerlatsiviup misissuinermi ala-pernaasertitaasutut peqataasinnaanera tamatumunnga peqatigitillugu neqe-roorutigaa, tamannalu kissaatigineqarpat ilisimateqqullunga. Ingerlatsi-vimmit tamatumunnga atatillugu tusagaqanngilanga.

Paaqqinniffik najugaqartullu pillugit allakkatigut paasissutissat assigiinngit-sut misissuineq sioqqullugu Neriusaamit tiguakka.

Neriusaami pisortaqatigiit sinniisaat, tassalu pisortaq misissuineq qaamma-tinik pingasunik sioqqullugu atorfinitsinneqarsimasoq taassumalu tullersor-taa, misissuiartortunit misissuinermi oqaloqatigineqarput. Taakkua saniati-gut sulisut qulit najugaqartullu qulingiluat ataasiakkaarlugit misissuiartortu-nit oqaloqatigineqarput.

Neriusaap initai misissuiartortunit aammattaaq misissorneqarput.

4. Neriusaaq pillugu ataatsimut oqaatigisassat

Neriusaaq Qeqqata Kommuniata utoqqarnik paaqqinniffiutigaa.

A, B, C, D, E aamma F Neriusaap immikkoortortaqafigai. Paaqqinniffik najugaqartunut 44-nut inissaqarpoq, taakkunanngalu inissat marluk oqilisaasivittut inissaallutik.

Immikkoortortaqaqarfiit A, B aamma C immikkoortortaqaqarfiupput nalinginnaasut najugaqartunut 20-nut inissallit. Immikkoortortaqaqarfik D puigortunngortunut naatsorsuussaasoq najugaqartunut arfineq pingasunut inissaqarpoq, immikkoortortaqaqarfiillu E aamma F paaqqutarisarialinnut naatsorsuussaapput najugaqartunullu 16-inut inissaqarlutik.

Neriusaami najugaqartut misissuinerup nalaani katillugit 44-pput, taakkunanngalu najugaqartut sisamat innarluutillit pillugit inatsit tunngavigalugu inissinneqarsimasuullutik.

5. Ombudsmandip pingaarnerusutigut naliliinera

Neriusaq paaqqinniffittut najugaqartut toqqissisimanartunik avatangiiseqarnissaannik neqerooruteqaqarfiusutut pingaarnerusutigut paasisaqaqarfigaara. Aamma paasisara unaavoq Neriusaami pisortaqaqatigiit sulisullu suliassatik tunniusimalluarlutik unneqqarillutillu isumagigaat, najugaqartunullu pissaanermik atuinerup sapinngisamik annertunerpaamik pinaveersaartinneqarnissaa eqqumaffigisorujussuugaat.

Sulisut misissuiartortunit oqaloqatigineqartut tunniusimarpasissuullutillu unneqqarissoorpasipput, paaqqinniffimmilu sulinertik ataatsimut nuannaralugu.

Najugaqartut qulingiluat misissuiartortunit oqaloqatigineqartut Neriusaami najugaqarneq nuannarigitsik oqaatigaat.

Init kusanartuupput eqqiluitsuullutillu, nuannersumillu aqqissuunneqarsimallutik.

Pissutsit arlallit oqaaseqaateqarnissannut pissutissaqalersippaanga. Taakku immikkoortuni tulliuttuni imm. 6-imit 11-mut allaaserineqarput.

6. Najugaqartut eqqiluisaarnermut atatillugu aalajangerlugit tigummineqartarneri

6.1. Nerijsaaq misissuineq sioqqullugu ilaatigut qinnuigaara paaqqinniffiup 2018-imi aamma 2019-imi januarimit martsimut pissaanermik atuisarneri pillugit nalunaarutini uannut nassiuteqqullugit.

Nerijsaap oqaatigaa paaqqinniffik piffissami taaneqartumi pissaanermik quleriarluni atuisarsimasoq. Pisut pillugit suliami allattuiffiit assilineri paaqqinniffiup ilanngullugu nassiuppai. Suliami allattuiffinnit erserpoq pisuni qulini tamani timikkut pissaanermik atuineq pineqartoq, tassa najugaqartup uffar-nissaa atisaasaluunniit taarsernissaat siunertaralugu aalajangiilluni tigummininneq pineqarluni.

Sulisup misissuineri oqaloqatigineqartup misissuiartortunut oqaatigaa najugaqartoq aalajangersimasoq ataaseq sapaatit akunnerannut marluk-pingasoriarluni aalajangerlugu tigummineqartariaqartartoq, nangiata taarsernissaa siunertaralugu. Sulisoq nassuiaalluni oqarpoq tamanna pillugu nalunaarusiat ullut tamaasa allanneqartartut nalunaarutiginninnermilu immersugassat immersorneqartartut, paaqqinniffiullu najugaqartumut tassunga pissaanermik taamatut atuisarnissaa kommunip akuersissutigisimagaa.

Misissuiartortut takusinnaavaat najugaqartup pineqartup nangiata taarserneqarnissaa siunertaralugu sapaatit akunnerata ataatsip ingerlanerani timikkut pissaanermik atuiffigineqartarsimanera suliami allattuiffinni qulaani taaneqartuni eqqaaneqarsimangitsoq.

Nerijsaap pisortaa Qeqqata Kommuniani ingerlatsivimmut sianereerluni misissuinerup nalaani oqarpoq ingerlatsivik Nerijsaami najugaqartunut pissaanermik atuisoqarsimanera pillugu nalunaarutiniq tigusaqartarsimangitsoq,

ingerlatsivilluunniit Neriusaami najugaqartut pillugit pissaanermik atuisarneq pillugu inatsit tunngavigalugu aalajangiisarsimanngitsoq.

6.2. Utoqqaat illuanni najugaqartup, soorlu puigortunngortup, nammineq anartarfiliarsinnaanngitsup nangini taarseqqunngippagu pisariaqarneratut paaqqutarisinnaajumallugu isumassorsinnaajumallugulu pinngitsaalineqarta-riaqalersinnaanera paasillaarsinnaavara. Sulisulli najugaqartunut pissaanermik atuinermik inerteqqutaanngitsumik atuisarnissaat pissaanermillu atuinertit taamaattut najugaqartut inatsiseqartitsinikkut innarlitsaalineqarnerat pisariaqarneratut annertutigisumik mianeralugu pisarnissaat aalajangiisuumik pingaaruteqarpoq.

Utoqqaat illuanni sulisut najugaqartunut timikkut pissaanermik atuinissaanut periarfissaat pissaanermik atuisarneq pillugu inatsisikkut (isumaginninermik suliassaqarfimmi pissaanermik atuneq pillugu Inatsisartut inatsisaa-tigut nr. 1-ikkut, 21. november 2013-imeersukkut kingusinnerusukkut allannguuteqartinneqartukkut) aalajangersarneqarsimapput. Tamatuma saniatigut ilimagisariaqarpoq pisuni aalajangersimasuni immikkut ittuni allatut ajornartumik imminut illersortariaqarnermik tunngaviit tunngavigalugit pissaanermik qaqutigooraluartumik atuisoqartarsinnaassasoq.

Oqaatigaara utoqqaat illuanni najugaqartut ilaannaat pissaanermik atuisarneq pillugu inatsimmi pineqartunut ilaatinneqarmata. Taamaalilluni pissaanermik atuisarneq pillugu inatsisip ilaa inunnt 18-inik taakkulu sinnerlugit ukiulinnut tunngasoq taamaallaat inunnik tarnikkut pissutsimikkut anner-tuumik ataavartumillu piginnaanikillisimasunik timikkut pinngitsaaliinissamut periarfissamik imaqarpoq, tak. pissaanermik atuisarneq pillugu inatsimmi § 3. Tassani ilaatigut utoqqaat illuini najugaqartut puigortunngortut pisut qanoq issusiat apeqqutaatillugu pineqartunut ilaatinneqarsinnaapput.

Pissaanermilli atuisarneq pillugu inatsit aalajangersakkanik arlalinnik inuit inatsit tunngavigalugu akuliuffigineqarsinnaasut ataqqinnittumik inatsiseqartitsinermilu innarlitsaaliinikkut illersorneqarsinnaasumik pineqartarnissanik qulakkeereqataasunik imaqarpoq.

Pissaanermik atuisarneq pillugu inatsimmit siullertut erserpoq kommuni sumiiffigisaq inuup nammineq piumassutsi tunngavigalugu peqataatinniarlugu periarfissanik tamanik atuisimassasoq, tak. pissaanermik atuisarneq pillugu inatsimmi § 30, imm. 1. Pissaanermik atuneq anguniakkamut aammattaq naapertuuttuussaaq, tak. § 30, imm. 2, sapinngisamillu qajassuussinerpaamik sivikinnerpaamilu aamma pineqartunik najuuttunillu allanik sapinngisamik mianerinninnerpaamik pisassalluni, taamaaliornikkut pisariaqanngitsumik innarliisoqarnissaa ajoqusiisoqarnissaaluunniit pinngitsoortinneqarsinnaaqullugit, tak. § 30, imm. 3.

Pissaanermik atuisarneq pillugu inatsit pinngitsaaliinernik inatsimmi erseqqissumik taaneqarsimasuinnarnik atuinissamut aappaattut taamaallaat periarfissiivoq. Akuliunnerit taamaattut qanoq iliorluni qaqugukkullu pisarnissaat pissaanermik atuisarneq pillugu inatsimmi allaaserineqarput.

6.3. Najugaqartup timimigut eqqiluisaarnissaa, matumani uffaaneq, atisanik nangimillu taarsiinerit ilanngullugit eqqarsaatigalugit, anguniarlugu timikkut pissaanermik atuneq, soorlu aalajangiilluni tigumminninneq pissaanermik atuisarneq pillugu inatsimmi § 33-kkut erseqqivissumik aalajangersaavigineqarsimavoq. Aalajangersagaq taanna imaattunik oqaasertaqarpoq:

§ 33. Kommunimi sumiiffigisami kommunalbestyrelsi qaqutigut aalajangiisinaavoq najugaqarfittut ulluuneraniluunniit neqeroorummi pisortaq, imaluunniit sulisoq, pisortamit taamatut iliornissamut piginnaatinneqartoq inummik aalajangersimasumik tigumminnilluni pissaanermik [piffissami killiligaasumi; uanga ilanngussara] atuisinnaasoq, inuttut eqqiluisaarnermut atatillugu pineqartup isumassorneqarnissaata isumaginissaanut tamanna pisariaqarluinnartutut isigineqarpat. Inuttut eqqiluisaarnermut atatillugu pissaanermik atunerup siunissami pinngitsoornissaa peqatigisaanik qulakkeerniarneqassaaq.

Imm. 2. Imm. 1 naapertorlugu timikkut pissaanermik atuneq eqqiluisaarnermik pisuni tulliuttuni akuerineqarsinnaassaaq:

- 1) Kigutininik saliineq.
- 2) Unngiarneq.
- 3) Qulinneq, uffarneq atisanillu taarsiineq.

- 4) Nujaajartinneq kukiartinnerlu.
- 5) Nangernik nalequttanillu taarsiineq.
- 6) Amerissaaneq.
- 7) Ulussat iluini qarngullu iluani nerisat sinnikuinik peersineq.

Imm. 3. Kommunalbestyrelsip aalajangiinerani eqqiluisaarnermi pissutsit piviusut suut aalajangiinermi pineqarnersut erseqqissaatigineqassaaq.

Imm. 4. Aalajangersimasumik tigungminninnermut ikiuutitut atortunik atuisoqassanngilaq, aamma aalajangersimasumik tigungminneriaaseq taamatullu iliornikkut anguniagaasoq imminnut naleqqiullutik atsikkutigiissallutik.

Imm. 5. Aalajangersagaq manna naapertorlugu timikkut pissaanermik atuineq piffissami qaammatit pingasut tikillugit sivisussusilimmi akuerineqarsinnaavoq. Kommunalbestyrelsi piffissamik sivitsuisinnaavoq, qaammatinilli 6-init sivisunerungitsumik, pineqartumi eqqiluisaarnikkut pissutsit pitsaanerulersinniarlugit periutsit allat peqatigisaanik ineriartortinneqassammata, tak. imm. 2, oqaaseqatigiit aappaat.

Imm. 6. Inuup imm. 1 naapertorlugu siusinnerusukkut aalajangiiffigineqareersup tarnikkut pissutsimigut annertuumik ataavartumillu piginnaasakillisisanera suli ajorseriaateqaqqippat, pisuni eqqiluisaarnermut tunngasuni aalajangersimasumik tigungminnilluni timikkut pissaanermik atuinissamut akuersissut piffissamut qaammatit pingasut tikillugit atuuttusaaq pillugu aalajangiisoqarsinnaavoq, piffissaaq qaammatit 6 tikillugit sivitsorneqarsinnaalluni.”

Taamaalilluni timikkut eqqiluisaarnermut atatillugu aalajangiilluni tigungminninnerneq najugaqartup kommunimi sumiiffigisaani kommunalbestyrelsip aalajangiinera tunngavigalugu taamaallaat pisinnaavoq. Aalajangiineq taamaattoq piffissamut killilimmut atuuttarpoq, tak. pissaanermik atuisarneq pillugu inatsimmi § 33, imm. 1-imi oqaaseqatigiit siulliit.

Eqqortusaaq anguniarlugu oqaatigaara kommunalbestyrelsip aalajangiinera allakkatigoortuussanersoq pissaanermik atuisarneq pillugu inatsimmi takuneqarsinnaanngitsoq. Inatsisilerinerli pillugu atuakkiani allaaserisanilu nalinginnaasumik ilimagineqarpoq aalajangiinerit annertunerusumik akuliuffiusut, soorlu pissaanermik atuisoqarnissaanik aalajangiinerit, allakkatigoortuunissaat ingerlatsinermi ileqqorissaarnerup nassatarigaa. Niels Fengerip allallu atuakkiaanni "Forvaltningsret"-imi (2018-imeersumi) quppernerit 628 tullialu aamma Karsten Revsbechip allallu atuakkiaanni "Forvaltningsret –

Sagsbehandling"-imi arfineq aappassaanik naqitertinneqartumi (2014-meersumi) qupperneq 297 innersuussutigaakka.

Kommuni taamatut aalajangiissappat tunngavimmut ilaatigut ilaassapput ilaqaataasut nakkutilliisoqarpallu nakkutilliisup iliuuserineqassamaartut pillugit oqaaseqaataat, tak. pissaanermik atuisarneq pillugu inatsimmi § 41, nr. 4. Kommunalbestyrelsen aalajangiinera Isumaginninnermi Naammagittaalliuteqartarfimmut naammagittaalliutigineqarsinnaavoq. Tamanna pissaanermik atuisarneq pillugu inatsimmi § 48, imm. 1-ikkut aalajangersarneqarpoq.

Pissaanermik atuisarneq pillugu inatsit pisunik pissaanermik atuinertalinnik nalunaarutiginnittarneq pillugu malittarisassanik aammattaaq imaqarpoq, ilaatigut § 53-imi, taannalu imaattunik oqaasertaqarpoq:

§ 53. § 36 naapertorlugu najugaqarfissatut neqeroorummut tigutinneq pissaanermillu atuinertit assigiinngitsut tamarmik, ilanngullugit §§ 30-35, naapertorlugit pineqaatinut atatillugu pissaanermik atuinertit, najugaqarfittut neqeroorummit nalunaarsorneqassapput, kommunimilu sumiiffigisami kommunalbestyrelsimut Naalakkersuisunullu nalunaarutigineqassallutik.

Imm. 2. Immikkoortoq III naapertorlugu nalunaarsuineq nalunaaruteqarnerlu pissaq nalunaaruteqarnermut immersugassat immikkut ittut Naalakkersuisunit suliarineqartut atorlugit."

Pissaanermik atuisoqarnissaanik aalajangiisoqarsimanngitsoq malittarisassat unioqqutinneqarpata imaluunniit akuliunneq illersuisariaqalernerneq ajornartuulernermiluunniit pisinnaatitaanermut ilaatillugu pisimappat tamatuminnga nalunaarsuineq ingerlaannaq imaluunniit iliuuserineqartup aallartinneqarnerata kingornatigut kingusinnerpaamik ulloq ataaseq qaangiutsinagu pissaq. Tamanna pissaanermik atuisarneq pillugu inatsimmi § 54, imm. 1-ikkut aalajangersarneqarpoq.

Iliuutsit nalunaarsorneqartut kommunimi sumiiffigisami kommunalbestyrelsimut Naalakkersuisunullu ingerlaannaq kingusinnerpaamillu ullut pinga-

sut qaangiutsinnagit nalunaarutigineqassapput, tak. pissaanermik atuisarneq pillugu inatsimmi § 54, imm. 2.

Pissaanermik atuinermik inerteqqutaanngitsumik nalunaaruteqarneq aku-liunneq piniariartoq kingusinnerpaamillu ulloq ataaseq qaangiutsinnagu pissaq, tak. pissaanermik atuisarneq pillugu inatsimmi § 55, imm. 1. Iliuutsit imm. 1 tunngavigalugu nalunaarsorneqartut kommunimut sumiiffigisamut Naalakkersuisunullu qaammatikkaartumik nalunaarutigineqartassapput, tak. § 55, imm. 2.

Qeqqata Kommuniata oqaaseqaatai kommunip nalunaarusiaagallartoq tunngavigalugu nassiuppai, oqaaseqaatillu taakku sulisuma ilaata oqarasuaatik-kut 31. oktober 2019-imi aamma 7. november 2019-imi oqaloqatigiinnerni marlunni itisilertippai.

Qeqqata Kommuniata oqaaseqaatai imatut paasivakka najugaqartut timik-kut eqqiluisaarnerannut atatillugu timikkut pissaanermik atuneq pillugu aalajangiinerit pisariaqartut pinissaat aamma pissaanermik atuisoqarsimappat taakkua pissaanermik atuisarneq pillugu inatsit tunngavigalugit nalunaaruti-gineqartarnissaat kommunip isumaginiaraa.

Aammattaaq imatut paasivara kommuni nalunaarutiginninnernik pitsaane-rulersitseqataasunik nalunaaruteqariaaserlu sulisunut paasiuminarneruler-sinniarlugu suliniutinik pisarisaqartunik assigiinngitsunik aallartitsiniartoq. Kommunip ilaatigut nalunaaruteqarnermi immersugassatut atugassat suli-sunut ilitsersuutiginiarpai.

Neriusaap pissaanermik atuisarneq pillugu inatsimmi § 33 tunngavigalugu kommunalbestyrelsip aalajangiineranik peqarani najugaqartunik uffaaner-mut najugaqartullu atisaannik nangiinillu taarsiisarnermut atatillugu aalaja-ngiilluni tigumminninnikkut pissaanermik pisuni arlalinni akuttunngitsumik atuisarsimanera isorisariaqartutut isigaara.

Neriusaap pisunik taakkuninnga pissaanermik atuisarneq pillugu inatsimmi §§-t 53-imit 55-imit tunngavigalugit nalunaarutiginnissimannginnera isorisariaqartutut isigaara.

Maluginiarparali Qeqqata Kommuniata oqaatigigaa aalajangiinerit pisariaqartut pinissaat aamma pissaanermik atuisoqarsimappat taakkua pissaanermik atuisarneq pillugu inatsit tunngavigalugit nalunaarutigineqartarnissaat kommunip isumaginiaraa.

7. Puigortunngortunut immikkoortortaqarfimmi matumi toortakkat marluk

7.1. Neriusaap initai misissuiartortut misissuinerimi alakkarterpaat. Misissuiartortut maluginiarpaat puigortunngortunut immikkoortortaqarfimmi D-mi najugaqartup ineeraani aneerasaartarfimmut nunamut majuartarfilimmut matup silarliup killingani toortakkat ammalortut marluk ikkunneqarsimasut. Pisortaqtigiit oqaatigaat matu matup tigummivia atorlugu ammarneqarsinnaassappat toortakkat marluk taakku ataatsikkut toorneqartussaasut. Pisortaqtigiit aammattaaq oqaatigaat toortakkat taamaattut immikkoortortaqarfimmi D-mi najugaqartut ineeraanni tamani ikkussorneqarsimasut.

Ineeqqami misissuiartortut alakkagaanni paasinarsivoq toortakkat taakku aserorsimasut.

Neriusaami pisortaqtigiit misissuinerimi oqaatigaat illup ilaa taanna sanaartorneqarnermili nalaani najugaqartunut puigortunngortunut naleqqussarneqarsimasoq, taamaalillunilu puigortunngortunut immikkoortortaqarfik inerlugu sananeqarami toortakkanik marlukkaartunik taamaattunik pilersorneqarsimasoq. Pisortaqtigiit nassuiaallutik oqaatigaat puigortunngortut ilaannaasa matu silarleq ammarniarlugu toortakkat atorsinnaagaat, sakkortuumilli puigortunngortut toortakkat atorsinnaanngikkaat. Pisortaqtigiit oqaatigaat toortakkat paaqqinniffiup imaaliillaannaq peersinnaanngikkai.

7.2. Pissaanermik atuisarneq pillugu inatsit "matunik ammaassutit immikkut ittut"-nik taaneqartartut pillugit aalajangersakkanik arlalinnik imaqarpoq. Aalajangersakkat taakku imaattunik oqaasertaqarput:

"**31.** [...]

Imm. 4. Najugaqarfittut ulluuneraniluunniit neqeroorummi pisortap, imaluunniit sulisup, pisortamit taamatut iliornissamut piginnaatinneqartup matunik ammaassutit immikkut ittut inummut ataatsimut arlaqartunulluunniit atorsinnaagai kommunalbestyrelsi aalajangiisinnaavoq, imaappat¹

- 1) inuup inuilluunniit arlallit najugaqarfittut ulluuneraniluunniit neqeroorummik qimatsinermigut/qimatsinermikkut timikkut annertuumik ajoqusernissamut immi-
minut allanilluunniit ulorianartorsiortitsilernissaa aarlerinaateqarpat, aamma
- 2) aarlerinaatip tamatuma pinngitsoortinnissaanut pisuni ataasiakkaani pissutsit
tamanna pisariaqarluinnartippassuk, aamma
- 3) inatsimmi periarfissat sinneri kinguneqanngitsumik atorneqareersimappata.

Imm. 5. *Imm. 4* naapertorlugu matunik ammaassutinut immikkut ittunut ilaap-
put matup tigummivii marloqiusat, matumik ammaanissamut marloriarluni toor-
sineq assigisaallu. Iliuserisaq imatut matumik parnaarinnissutaassanngilaq, pi-
neqartulli killilersugaanani ingerlasinnaaneranut atatillugu kinguarsaataassalluni,
taamaasilluni sulisut maluginiarsinnaassammassuk pineqartoq anisoq.

Imm. 6. *Imm. 4* naapertorlugu iliuserisaq aallartinneqarpat, najugaqartut killi-
lersugaanatik ingerlasinnaanerat mianeriniarlugu matumi kalerrisaarummik ik-
kussisoqassaaq, taamaasilluni najugaqartut matumik ammaassummik immikkut
ittumik namminneq atuisinnaanngisut matumik ammaanissamut pisariaqartita-
minnik ikiorneqassammata. Najugaqartut imm. 4 naapertorlugu iliuserinnin-
nermut ilaasut, aatsaat anitsaaliorneqarsinnaapput § 34-mi aalajangersagaq ta-
matuma peqatigisaanik atorneqarpat.

[...]

§ 41. §§ 31, 33, 34 aamma 35 naapertorlugit kommunalbestyrelsip aalajangiin-
nerinut tunngavittut tulluuttut pigineqassapput:

- 1) piginnaanikillineq pillugu suliamut attuumassuteqartumik uppersaaitit pi-
sariaqartinneqartut,
- 2) pineqaatit aallartinnissaat pillugu aalajangiisoqarnissaa siunniunneqartinnagu
isumaginninnikkut perorsaalluni ikiuunneq paaqqutarinninnerlu pillugit paasissu-
tissat,

3) piffissaq qanoq sivisutigisoq pineqaatit pisariaqarfissaattut naatsorsuutigineqartoq pillugu paasissutissat, aamma

4) pineqaatit eqqarsaatigineqartut pillugit ilaqttat taamaattoqarpallu nakkuttilliusup oqaaseqaataat.

[...]

§ 48. §§ 31, 33, 34, 35, 36, imm. 2, 38, 39, imm. 2 aamma § 42, imm. 3 naapertorlugit kommunalbestyrelsip aalajangiineri Isumaginninnermi Naammagittaalliuuteqartarfimmut apuunneqarsinnaapput.

Imm. 2. Inuk aalajangiineri pineqartoq nammineq naammagittaalliuuteqarsinnaangippat, uiusup nuliaasulluunnit, ilaqtup, nakkuttilliusup imaluunniit allap inummut pineqaammik pineqartumut sinniisup kommunalbestyrelsip aalajangiinera naammagittaalliuutigisinnaavaat.

[...]

§ 52. Suliani pineqaatit § 31, imm. 1, § 31, imm. 4 aamma § 34 naapertorlugit aallartinneqarfigisaanni, pineqaatip atornerarnerata ingerlaqqinnissaa kommunimit ataavartumik nalilersoqqinneqartassaaq, pineqaatillu aallartinneqarnissaanik kommunalbestyrelsip aalajangiineraniit kingusinnerpaamik qaammatit arfineq pingasut qaangiutsinnagit nalilersoqqinneqassalluni.

[...]"

Tassani aamma ilaavoq iliuuserineqartup nalunaarsorneqartussaamera kommunimilu sumiiffigisami kommunalbestyrelsimut Naalakkersuisunullu nalunaarutigineqartussaamera. Tamanna pissaanermik atuisarneq pillugu inatsimmi § 53, imm. 1-ikkut, § 55-ikkut aamma § 57-ikkut erseqqinnerusumik aalajangersarneqarpoq.

Pissaanermik atuisarneq pillugu inatsit piareersarlugu suliani inatsisissatut siunnersuummi § 31 pillugu immikkut oqaaseqaatini ilaatigut makku oqaatigineqarput:

"Imm. 5 pillugu

Parnaarsaativittut atortunik atuisoqaqqusaanngilaq. Aqqusinertigut angallannermi pissutsit ulorianartut atuussinnaapput, pinngortitami nunaminertat pineqartup tamarfigisinnaasai immikkut ittuusinnaapput, imaluunniit silap pissuserisinnaa-

¹ Oqaatigaara § 31, imm. 4-p qallunaatuua kalaallisuuvalu imminnut naapertuutinngitsut. 2018-imi ukiumoortumik nalunaarutinni immikkoortoq 5 innersuussutigaara.

vai (isserujussuarnera kiarujussuarneraluunniit) atortunik taakkuninnga atuini- samut tunngavissiisinnaasut, allat annikinnerusumik akuliuffiusut iluatsinngitsu- mik misilinneqareersimappata.

Taamaalilluni iliuutsimik taama annertutigisumik akuliuffiusumik matumik am- maassutitut immikkut ittutut ittumik iliuseqalertigani, iliuutsinik annikinnerusu- mik akuliuffiusunik, soorlu inunntut kalerrisaarutitik sumiiffissiuutinillu atuinerup misiliisoqareersimanissaata piunasaqaatiginera, matumut silarlermut matunik ammaassutitik immikkut ittunik atuinissamat periarfissanut allannguutaangilaq. Taamaalilluni najugaqarfittut neqeroorutit il.il. illutamikkut imatut aaqqissu- gaappata, innuttaasup nammineersinnaangitsup najugaqarfimminit anilerneru- sulisunit pisariitsumik takuneqarsinnaasunngorlugu, tamanna siunertamat naa- pertuutissaaq, taamaasilluni iliuusissat piffissaagallartillugu iliuuserineqarsin- naammata.

Imm. 6 pillugu

Kikkut tamarmik matunik ammaassutitik namminneq atuisinnaangitsut atuini- samut pisariaqartitaminnik ikiorneqassapput, innuttaasooq angerlarsimaffimminnit anitsaaliugaaneq pillugu aalajangersakkamat ilaatinneqartoq pineqanngikkaa- ngat.”

7.3. Isumaqaarpunga immikkoortortaqaqarfimmi D-mi najugaqartut ineeraasa matuini silarlerni matumik ammaassutitut toortakkat marluk ikkunneqarsi- masut pissaanermik atuisarneq pillugu inatsimmi matunik ammaassutitik immikkut ittunik oqartarneq tunngavigalugu matunik ammaassutitut immik- kut ittutut isigineqartariaqartut. Tamatuma manna nassataraa, tassalu na- jugaqartut ataasiakkaat eqqarsaatigalugit toortakkat atulersinneqarsimap- pata pissaanermik atuisarneq pillugu inatsimmi malittarisassat malinneqas- sasut.

Misissuiartortut Neriusaami pisortaqatigiit imatut paasivaat toortakkanik marlunnik atuinerup inatsisikkut aalajangersaavigineqarsimanera pisortaqa- tigiit eqqumaffigisimannikkaat, taamaalillutillu kommunalbestyrelsip ilaati- gut tamanna pillugu aalajangiineri pigineqanngitsut.

Qeqqata Kommuniata nalunaarusiaagallartoq pillugu oqaaseqaatai imatut paasivakka najugaqartut ineeraasa matuini silarlarni toortakkat marluk ikkunneqarsimasut pissaanermik atuisarneq pillugu inatsimmi matunik ammaassutitik immikkut ittunik oqartarneq tunngavigalugu matunik ammaassutitut immikkut ittutut isigineqartariaqarnerannik naliliininni kommunip isumaqatigigaanga. Aammattaaq imatut paasivara puigortunngortunut immikkoortortaarfimmi najugaqartut ineeqqamik matuini silarlarni marlunnik toortagallit ataasiakkaarlugit pisariaqartumik aalajangiivigineqarnissaat kommunip isumaginiaraa.

Qeqqata Kommuniata sulisuma ilaannik oqarasuaatikkut 7. november 2019-imi oqaloqateqarnermini ilassutitut oqaatigaa Neriusaap matut nutaat eqqarsaatigalugit kissaatigisinnaasai kommunip Neriusaami pisortaqatigiinnik ataatsimeeqateqarnermini oqaloqatiginnissutiginiarai.

Isumaqarpunga puigortunngortunut Neriusaami immikkoortortaarfimmi najugaqartut ineeraanni matuni silarlarni toortakkanik marlunnik pissaanermik atuisarneq pillugu inatsimmi matunik immikkut ammaassutit pillugit malittarisassat paaqqinniffimmit malinneqanngitsut ikkussisoqarsimanera isorisariaqartuusoq.

Maluginiarparali manna uannut paasissutissiissutigineqartoq, tassalu pissaanermik atuisarneq pillugu inatsit tunngavigalugu aalajangiinerit pisariaqartut pinissaat kommunip isumaginiaraa.

8. Puigortunngortunut immikkoortortaarfimmi matuni akkiuttartut

Neriusaami immikkoortortaarfimmik D-mik alakkarterinerminni misissuiartortut taamatuttaaq maluginiarpaat inimi ataatsimoortarfimmi matup silarliup marloqiusap qulaani akkiuttartoqartoq. Matumit silarlermit aneerasaartarfimmut anillattoqarsinnaavoq, tassanngaanniillu nunamut majuartarfeqarluni. Naatittarfeqanngilaq assigisaanilluunniit akkiuttartup naatiffigisinnaasanik peqarani, akkiuttartulli saniani putut qinnilerfiusimasut erseqqiluinnaarlutik.

Pisortaqatigiit alakkarterinermi ilisimatitsissutigaat akkiuttartuq naatinneqarsinnaasunngorteqqillugu akkiuttarfiup iluarsaanneqarnissaa utaqqigitsik.

Pisortaqatigiinnik sulisunillu oqaloqateqartarnerit tunngavigalugit misissuiartortut paasivaat matup akkiuttartuqarnerata immikkoortortaqarfimmi najugaqartut puigortunngortut illersorneqarnissaat siunertarigaa, utoqqaat iluannit namminneq anisinnaanissaat, taamalu ajutooriataarsinnaanissaat, pinngitsoortinniartuq. Misissuiartortut pisortaqatigiinnit aammattaaq paasivaat kommuni matup akkiuttartuqarnissaanik aalajangiinermut akuutinneqarsimanngitsoq.

Paasilluarsinnaavara Neriusaami pisortaqatigiit sulisullu najugaqartunik puigortunngortunik isumassuinerminnut atatillugu najugaqartut nakkutigineqaratik aneernerminni ajoqusinnginnissaat kissaatigimmassuk.

Taamaattorli immikkoortortaqarfimmi D-mi matumi silarlarmi akkiuttartuqarnera pissutsit apeqqutaallutik pissaanermik atuineq pillugu inatsit malillugu "matumik ammaassutitut immikkut ittuusinnaavoq". Pissutsit taamaappata akkiuttartuliinermi suleriaaseq pissaanermik atuineq pillugu inatsimmi aalajangersarneqarsimasoq malinneqartussaavoq. Tassani ilaatigut takuneqarsinnaavoq matumik ammaassummik immikkut ittumik atuisoqarsinnaaneranut kommunalbestyrelsi aalajangiisartuusoq. Imm. 7.2-mi tamanna pillugu malittarisassanik siuliini sammisaqarneq innersuussutigaa.

Qeqqata Kommuniata allagai 25. september 2019-imeersut imatut paasivakka kommuni isumaqartuq akkiuttartuq eqqartorneqartutut ittoq pissaanermik atuisarneq pillugu inatsimmi taamatut oqartarnertut tassaasoq "matumik ammaat immikkut ittoq". Aammattaaq imatut paasivara immikkoortortaqarfimmi D-mi inip ataatsimoortarfiup matuani silarlarmi akkiuttartumik ikkussisoqaqqinnissaa pisariaqartuq naliliisoqarpat pisariaqartunik aalajangiisoqarnissaa Qeqqata Kommuniata isumaginiaraa.

Paasissutissiissutigineqartut maluginiarpakka.

9. Pissaanermik atuisarneq pillugu malittarisassanik namminerlu aalajangiisinnaatitaanermut akuliunnerit allat pillugit ilisimasaqarneq

Pingaarnertigut paasisakka ukuupput Neriusaami pisortaqatigiit aamma sulisut najugaqartunut timikkut pissaanermik atuinerup sapinngisamik annertu-nerpaamik pinaveersaarnissaa eqqumaffigisorujussuugaat, sulisullu timikkut pissaanermik atuinermut atatillugu suut inerteqqutaannginnerat ilisimagaat.

Najugaqartut qulingiluat misissuiartortunit oqaloqatigineqartut tamarmik nassuiaallutik oqaatigaat Neriusaap sulisuinit timikkut pinngitsaalineqarsimanngisaannarlutik.

Pisortaqatigiit oqaatigaat sulisut nutaat Neriusaaq tassanilu sulineq pillugu quppersakkamik tunineqartartut, pissaanermillu atuisarneq puigortunngortunut immikkoortorta qarfiup saniatigut immikkoortorta qarfinni allani atorneqarneq ajortoq. Neriusaami pisortaqatigiit sulisuma ilaannik oqarasuaatikkut 8. november 2019-imi oqaloqateqarnerminni nalunaarussiaagallartoq tunngavigalugu erseqqissarlugu oqaatigaa Neriusaaq tassanilu sulineq pillugu quppersagaq sulisunut tamanut tunniunneqartartoq, puigortunngortunullu immikkoortorta qarfimmi sulisut tamarmik taassuma saniatigut pissaanermik atuisarneq pillugu malittarisassat pillugit paasissutissanik tunineqartarlutillu taakku qanoq atorneqarnissaannik ilinniartinneqartartut.

Sulisulli misissuiartortunit misissuinermi oqaloqatigineqartut arlallit oqaatigaat pissaanermik atuisarneq pillugu inatsimmi malittarisassat pillugit ilitsersorneqarsimanngisaannarlutik.

Pissutsit siuliini imm. 6-mit 8-mut eqqartorneqartut tunngavigalugit tamatumunnga peqatigitillugu isumaqarpunga pisortaqatigiit sulisullu pingaartumik pissaanermik atueq pillugu inatsimmi malittarisassanik akulerunnernut allanut aalajangiilluni tigungminninnerunngitsunut tunngasunik ilisimasaqarnerulernissaat pisariaqartoq.

Qeqqata Kommuniata allakkamini 25. september 2019-imeersuni aamma sulisuma ilaannik oqarasuaatikkut 31. oktober 2019-imi oqaloqateqarnermini oqaatigaa Neriusaami pisortaqatigiit sulisullu pissaanermik atuisarneq pillugu malittarisassat namminerlu aalajangiisinnaatitaanermut akuliuttarnerit allat pillugit ilitsersorneqassasut.

Qeqqata Kommuniata oqarasuaatikkut oqaloqatigiinnermi aammattaaq oqaatigaa pissaanermik atuisarneq pillugu periaatsip allaaserineqarnera kommunimi utoqqarnik paaqqinniffinni tamani atorineqartussa q kommunip suliarigaa.

Paasissutissiissutigineqartut maluginiarpakka.

10. Pujortartut pujuannik najuussuinissamut illersuineq

Neriusaami pisortaqatigiit misissuineq sioqqullugu oqaatigaat najugaqartut sulisullu putsumit pujorsunnimillu akornusersorneqartartut, assersuutigalugulu sulisut najugaqartut inaanni ikiutissagaangata tamanna ulluinnarni ajornartorsiutissaqartitsisarsoq.

Pisortaqatigiit misissuinnermi oqaatigaat najugaqartut taamaallaat ineeqqaminni pujortarsinnaatitaasut, akornutaasullu najugaqartut pujortassagaangamik ineeqqamik matui matusaqqullugit silaannarissaaniartaqqullugillu qinnuigineqartarnerisigut paaqqinniffiup sapinngisamik killilersimaarniarsarisarai.

Pisortaqatigiit aammattaaq oqaatigaat milluaasunik assigisaannilluunniit atortorissaarusuisoqarsimanngitsoq, paaqqinniffimmulli uiguliussamik pujortartarfimmik ineeqqani pujortarnermut taartaasinnaasumik najugaqartut amerlanersaannit akuersaarneqartumik sanatitsiniarneq suliarigitsik.

Misissuiartortut Neriusaap initaanik misissuinerminni inini ataatsimoorfiusartuni, pingaartumik inini allerni, tupap pujorsunnia erseqqissumik naamasinnaavaat.

Sulisut misissuiartortunit oqaloqatigineqartut arlallit oqaatigaat sulinerminni tupap pujuanit akornusersorneqartarlutik.

Pujortartarnermik inerteqquteqarneq pillugu Inatsisartut inatsisaat nr. 15, 26. maj 2010-meersoq (matuma kingornatigut pujortartarneq pillugu inatsimmik taaneqartartussa) aalajangersakkamik imaattumik ilaatigut imaqqarpoq:

§ 5. Paaqqutarinniffittut angerlarsimaffinni, ulloq unnuarlu paaqqinniffinni, najugaqarfissatut neqeroorutini, ilinniartut ineqarfiini assigisaannilu inunnit 18-it sinnerlugit ukiulinnit arlalinnit najugaqarfigineqarnerusuni namminerisamik angerlarsimaffittut atuuttuni najugaqartut ataasiakkaat 18-it sinnerlugit ukiullit ineeqqami inissiamiluunniit angerlarsimaffittut najugaqarfigisaminni pujortarsinnaapput.

Imm. 2. Paaqqinniffik paaqqinniffimmi sulisut najugaqartullu allat pujortanngikkaluarlutik tupap pujuanik najuussuinissaannut illersorniarlugit sunniuteqarluartunik suliniuteqassaaq. Paaqqinniffiup najugaqartut peqqusinnaavai sulisut ineeqqami inissiamiluunniit namminerisatut angerlarsimaffittut atuuttumi isersimatillugit pujortartaqqunagit.”

Pujortartarneq pillugu inatsit piareersarlugu suliani § 5 pillugu immikkut oqaaseqaatini ilaatigut makku oqaatigineqarput:

“Sukumiisunik qulakkeerinnermut tunngatillugu pisuni ataasiakkaani naliliineq apeqqutaavoq. Ineraq namminerisamilluunniit inigisaq pujortarfiusoq sullissiviup iluani init allat eqqarsaatigalugit soorunami matuneqarsinnaasuussaaq. Tamatuma saniatigut ineeqqat ataasiakkaat pujortareernerup kingornatigut silaannarisarneqartassasut suliffeqarfiup peqqusissutigisinnaavaa.

Sulisut najugaqartullu sinnerisa illersorneqarnissaat qulakkeerniarlugu annertunerusumik suliniuteqartoqarnissaa pisariaqartinneqarpat inini ataasiakkaani pisariaqarneratut annertutigisumik silaannarissarfilersuisoqarsinnaavoq.

Pujortartut pujuannik najuussuineq pinaveersaartinniarlugu sukumiisumik qulak-keerisoqarnissaanik aalajangiinermi sullissiviup pisortaasa sulisut, isumannaallisaanermilu suliniaqatigiinnik pilersitsisoqarsimappat, taakku ilaatissavaat.”

Neriusaap najugaqartunik ineeqqaminni pujortartartunik matuminnik matu-sisaqqullugit silaannarissaasaqqullugillu kaammattuisarnermigut pujortanngikkaluarluni tupap pujuanik najuussuinissamik pinaveersaartitsiniarnera malugaara.

Misissuiartortulli namminneq takusaat aamma pisortaqatigiit sulisullu paasissutissiissutigisaat tunngavigalugit naliliivunga iliuitsit taakku naammattumik sunniuteqaanngitsut.

Qeqqata Kommuniata allakkamini 25. september 2019-imeersuni aamma sulisuma ilaannik oqarasuaatikkut 31. oktober 2019-imi oqaloqateqarnermini oqaatigaa Neriusaami ulluklut ornittakkamut uiguliussatut pujortartarfimmik pilersitsisoqarnissaa qinnuteqaatigineqarsimasoq.

Qeqqata Kommuniata aammattaaq oqaatigaa pujortartarneq pillugu inatsit pisortaqatigiinnut, sulisunut najugaqartunullu tamatuma saniatigut maluginiaqquneqassasoq, sulisut najugaqartullu pujortartut pujuannik najuussuinissamut illersorneqarnissaat siunertaralugu, taamatuttaarlu najugaqartut kaammattorneqassallutik sulisunik najugaqartut ineeraanniittoqartillugu pujortartaqqunagit.

Paasissutissiissutigineqartut maluginiarpakka.

11. Sulisut kiffaangissuseqarlutik oqaaseqaateqarsinnaatitaanerat

Sulisut Neriusaaq suliatillu pillugit inoqatinut attaveqaatitigut qanoq allasinnaatitaanersut misissuiartortut misissuineri Neriusaami pisortaqatigiinnut apeqqutigaat.

Pisortaqatigiit nassuiaatitut oqaatigaat sulisut paaqqinniffik pillugu inoqatinut attaveqaatitigut oqaaseqaateqaqqusaanngitsut. Taamaaliornikkut Qeqqata Kommuniata suliaasaqarfimmi tassani ingerlatseriaasia malikkitsik pisortaqatigiit innersuussutigaat.

Sulisuma ilaata Qeqqata Kommuniani pisortaneq misissuinerup kingornatigut attaveqarfigaa. Pisortaanerup nassuiaammik tassannga saqqummiussivigineqarluni oqaatigaa sulisut kiffaanngissuseqarlutik oqaaseqaateqarsinnaatitaanerat Qeqqata Kommuniata killilersorsinnaanngikkaa, inoqatinullu attaveqaatitigut taamatut oqaaseqaateqarnissaq inerteqqutaanngitsoq. Pisortaanerulli ilassutitut oqaatigaa kommunip nalunaarut kommunimi sulisunut tamanut 2015-imi nassiussimagaa, tassanilu erseqqissarneqartoq sulisut nipangiussisussaataitanerminni pineqartunut ilaatinneqartut pillugit allaqqusaanngitsut.

Nalunaarutip 2015-imi nassiunneqartup assilinera Qeqqata Kommuniata uannut tamatuma kingornatigut nassiuppaa.

Tamanna tunngavigalugu naatsorsuutigaara Neriusaami pisortaqatigiit kukkusumik paasinnillutik sulisut inoqatinut attaveqaatitigut paaqqinniffik pillugu allaqqusinngilluinnarsimanerat nalunaarummik 2015-imeersumik paatsuuinermik tunngaveqartoq.

Inassuteqaatigaara pisortaqatigiit sulisullu tamarmik pisortani atorfeqartitaasut kiffaanngissuseqarlutik oqaaseqaateqarsinnaatitaanerannut, matumani inoqatinut attaveqaatit ilanngullugit eqqarsaatigalugit, pingaarnerusutigut tunngavinnik ilisimasaqalernissaat Neriusaap qulakkiissagaa. Justitsministereqarfiup pisortani atorfeqartitaasut kiffaanngissuseqarlutik oqaaseqaateqarsinnaatitaanerat pillugu ilitsersuutaata nr. 10062-ip, 28. oktober 2016-imeersup Justitsministereqarfiup nittartagaani www.jm.dk-mi pissarsiarineqarsinnaasup aallaaviginissaa Neriusaap isumaliutersuutigisinnaavaa.

Malugaara Qeqqata Kommuniata allakkamini 25. september 2019-imeersuni oqaatigigaa nalunaarummut 2015-imeersumut erseqqissaat kommunip nas-

siunniaraa, sulisut kiffaanngissuseqarlutik oqaaseqaateqarsinnaatitaanerat pillugu paatsuinerit pinaveersimatinniarlugit.

12. Malitseqartitsineq

Neriusaaq qinnuigaara sulisut, najugaqartut ilaqutaasullu nalunaarusiaq manna pillugu ilisimateqqullugit.

Neriusaaq aammattaaq qinnuigaara nalunaarusiami immikkoortumi 11-mi oqaatigisakka qanoq iliuuseqarnissamut pissutissaqalersitsinersut paasissutissiissutigeqqullugu. Neriusaaq qinnuigaara paasissutissat taakku Qeqqata Kommuniani ingerlatsivik aqqutigalugu nassiuteqqullugit, taamaalilluni kommuni Neriusaap oqaatigisai pillugit oqaaseqaateqarnissamut periarfissaqarsinnaaqqullugu.

Nalunaarusiap matuma assilineri Qeqqata Kommuniani ingerlatsivimmut aamma Isumaginninnermut Inatsisinillu Atuutsitsinnermut Naalakkersuisoqarfimmut ilisimatitsissutitut nassiuppara.

Qeqqata Kommunian tamatumunnga atatillugu qinnuigaara puigortunngortunut immikkoortortaqqarfimmi najugaqartut ineeqqamik matuini silarlerni marloriarlugit toorlugit matunik "immikkut ammaassutillit" ataasiakkaarlugit eqqarsaatigalugit kommuni qanoq iliuuseqarnerisq uannut paasissutissiissutigeqqullugu, matumani kommunip aalajangiineri ilanngullugit eqqarsaatigalugit. Nalunaarusiami imm. 7 innersuussutigaara.

Nalunaarusiaq manna 2019-imi ukiumoortumik nalunaarusianni ilanngunneqarumaarpoq, nittartakkannilu www.ombudsmandi.gl-imi tamanut saqqummiunneqarumaarluni.

Inuulluaqqusillunga

Vera Leth